

eynander Kost eyn pfunt Saffran. 3. floren vnd. 2. pfunt
 Ingwer. 1. floren kauft daraus. 45. floren. Nun frage
 ich wie viel yetzliches pfundt ynn sonderheyt gewesen
 seyn. Setz. 10. pfundt saffran vnd. 10. pfundt Ingwer re-
 chen yetzliches ynn sonderheyt / vnd addir zusammen / Kö-
 met zu wenig. 10. floren. Setz zum andern mal. 12. pfunt
 Saffran. vnd. 8. pfundt Ingwer examinir die stet also.

10	minus	10	
			5
12	minus	5	

Rechen es so komen. 14. pfundt Saffran die nym von
 20. pfundt bleyben. 6. pfundt / souil ist des Ingwers ge-
 wesen / welchen er gehabt hat.

Item eyner hat zwen silbere Becher sampt einem
 vber lied / so das selbig vffm ersten gesetzt wirt / behelt
 er vier mal des andern gewicht / wirt es aber auffm and-
 ern gesetzt / so ist er drey mal schwerer dann der erste /
 vnd das vberlied wigt. 16. lot / wie vil wigt ein yetzlicher
 becher ynn sonderheyt / Machs also setz der erste hab ge-
 wegen. 12. lot / Addir das vberlied als. 16. werden. 28. das
 wer vier mal mehr dann der ander / Also mus der aus-
 der. 7. lot haben an gewicht / Addir. 16. zu. 7. komen. 23.
 welch. 3. mal. 12. machen solten wirt gebrechen. 13. Setz
 der examinirten ein andere als. 8. vnd procedir nach der
 auffgab kömmet minus. 2. steht also.

12	minus	13	
			11
8	minus	2	

Machs kommen. 7. lot $\frac{3}{11}$ souil wigt der erste / such den
 andern wie gesetzt werden. $\frac{9}{11}$ lot odder machs durch
 sagung der falschē zahn sampt dē lügen ym zugeeygent.
 Item